

Oregon's Kitchen Table – Community Engagement ren Oregon's Integrated Water Resources Strategy

SUMMARY

An Oregon ei Integrated Water Resource Strategy (ei akkot) nge ew anen an ekkewe Oregon state agencies repwe weweiti me tongeni atoura an Oregon ekkewe sokopaten aninis ren konik. Ei Akkot nge ee kan pwan update iteiten nimwu ier. Ina epwe 14 ekkei agencies re kan nounou ei Akkot ren an repwe anganga an Oregon ei konik.

Non ewe spring me summer ren ewe ier 2023, ewe Oregon Water Resource Department (OWRD) ra angang fengen me Oregon's Kitchen Table (OKT), ren ar repwe rong seni aramas non Oregon ren met re mwochen repwe kuna non ei Akkot. Iwe sa rong seni 1900 aramas me non Oregon.

Ei repot aa aporoua met OKT aa ronggo seni ewe survey non 9 fosun fenu, ekkewe community conversations ika aporous non ewe community, me pwan ekkewe ekkoach anen an aramas repwe pwan tongeni wau met ekkewe ar ekiek. Met ekkewe aramas ra era iwe sa anomwu non kinikinin ekkewe mi chok pwan nene ngeni.

POROUSEN OREGON'S KITCHEN TABLE

OKT nge ew kinikinin ewe National Policy Consensus Center me Portland State University. OKT aa angang faniten epwe ngeni ekkewe aramas nouwer non ekkewe finata aa fis non public, fen napengeni ekkewe aramas rese kan fen pachenong non ekkei sokkun finata. OKT aa anisi aramas ren ar repwe porousen state, local, me ekkewe osukosuken regional. OKT mi fokkun chomwong anen me non sokopaten fosun fenu an repwe kaeo me sinei met ekkewe aramas ra ekieki me sinei.

Outreach me angang fengen

Mi or sokopaten anen an aramas repwe tongeni wau met ekkewe ra ani ekiek. Kich mi kan pwan efisi ekkewe nenien aporous non ekkoach kinikinin ach ei state non fosun English,

Spanish, me Chuukese Mi pwan or ewe Zoom community ee kan fis ewe nenien aporous won non fosun English me Spanish. OKT me OWRD ir mi pwan efisi ekkei. Community members re pwan organize me wisen efisi ekkoch. Community organizers me ekkewe partners re kan pwan anisi ekkewe aramas me amasowa ekkewe surveys non sokopaten fosun fenu. Kich mi pwan mwochen ach kei ruu community event repwe fos ngeni aramas.

OWRD, OKT, me pwan ekkewe partners re kan esine ngeni aramas porousen ekkei aporous me survey me won social media, emails, me ekkewe nenien group messaging platforms. Community organizers re kan pwan esine ngeni aramas won fon, text message, ika fos ngenir non fofoun aramas. Community groups me community centers iwe re kan nounou flyers pwan.

MET OKT AA RONG

Met ekkewe aramas ra etipew won

Mi pwan chomwong aramas ir mi era ekkewe metoch mi chok néné non ekkewe aporous me survey. Fan na iwe ina sa tichikatiw met ekkewe ekiek aramas ir mi ekieki mi chok nene fengen:

- Chomwong aramas ir mi fosun **konik pwe ina ew metoch kich mi aea fengen me pwan met mi nomw non manawach anein ach nonomw.**
 - Aramas ra ekieki pwe sisapw chok angang won foforun ennuke me ennuke nonmwuch nge sipwe pwan ekieki ach kei osukosuken konik.
 - Napengeni meinisin ir mi kuna nge **ee watte ach kewe need ren konik nap seni an fen kawor.**
 - Chomwong aramas ir mi fosun **epwe or ewe balance.** Aramas re mwochen epwe or ekkewe konik ngeni **aramas me agriculture.** Nge ir mi pwan mwochen epwe or konik non ekkewe rivers me streams ren an epwe tongeni **tumwunu ekkewe iik, maan, ira, me nature.**
- Aramas ir mi fokkun ekieki epwe or ewe **water quality me safety.**
 - Chomwong aramas ir mi nonieniti **ewe konikin uun.** Ir mi nuku nge esapw meinisin aramas mi or rer ekkewe konik mi eoch.

- Chomwong aramas ir mi pwan ani noninen ika pwe ekkei **rivers me streams** mi nimenimeoch ren **iik me ekkewe ekkoch maan ika wildlife**.
- Chomwong aramas ir mi pwan ekieki ika pwe **epwe naf konik ika pwe aa fis ekkewe osukosuk ren natural disaster**. Ir mi pwan noninen ren ika aa wor ewe natural disaster iwe epwene fet ekkewe konik.
 - **Pwaas won fenu** ina ena nampa ew won an aramas ekiek.
 - Aramas ir mi pwan ekieki **ekkewe kaar me pwichikaren ran**. Ir mi pwan noninen ren an epwe or konik non ekkei fansoun. Ir mi ani noninen ika pwe epwe fis ew kaar me pwichikaren ran iwe aa fen ina met epwe sopwei ach osukosuken konik ika pwe aa fen sopweno me apwasano won fenu.
- **Aramas ra mwochen, epwe pwan fateoch porous.**
 - Ir mi pwan mwochen **porous ren konik**. Nge chomwong aramas rese sinei ian repwe angei me ian. Re mwochen ekkewe porous ren konik **epwe mecheres ar repwe weweti non sokopaten fosun fenu**.
 - Napengeni meinisin ir mi wau met ekkewe re mwochen **repwe kaeo** ren ewe science ren konik, ifa usun ach aea konik, me ekkewe anen ach sipwe tongeni isois konik. Iwe pwan iei met re mwochen aramas repwe pwan kaeo.
 - Chomwong aramas ra mwochen **isois konik** non pwisin imwer kewe me ar kewe communities. Re mwochen sinei ifa usun ar repwe tongeni fori.
 - Chomwong aramas ra mwochen ewe state an epwe **aea ekkewe sokopaten anen ar repwe tongeni wau ewe Akkot me tichikin porousen konik** . Sa fokkun pwan rong sokopaten ekiek ren ifa usun an ekkewe state agencies repwe tongeni partner ngeni ekkewe sukun, libraries me museums ar repwe tongeni wau tichikin porousen konik.
- **Chomwong aramas ir mi pwan pwapwaiti ekkewe sokopaten incentives ar repwe tongeni isois konik me aea each konik.**
 - Chomwong aramas ir mi pwan mwochen **isois konik**. Re mwochen repwe isois konik non imwer kewe me non ar ewe communities.

- Ir mi pwan mwochen repwe tour ngeni ekkewe tools an epwe tongeni anisir an epwe tumwun ar kewe konik. Chomwong aramas ir mi pwan pwapwaiti ar repwe angei ekkewe **filters**.
- Chomwong aramas ir mi pwan mwochen kuna ekkewe **tools an epwe tongeni anisi ar kewe konik**. Ir mi mwochen ei ren non imwer, ar kewe business, non industry me farms.
- **Aramas ra mwochen kuna ekkei ekkesiwin ren ifa usun an Oregon aa ekkesiwini ar kewe finata me konik.**
 - Chomwong aramas ra ekieki pwe **an chomwong ekkei sokopaten state agencies ir mi pwan nomw non ei angangen konik nge ir mi osukosuk ren**. Re mwochen repwe kuna ekkei state agencies repwe angang fengen.
 - Aramas re mwochen kuna **fofor**. Re mwochen ekkewe pwungun finata me fofor epwe mwithir fis.
 - Chomwong aramas re mwochen state **epwe pwan apachanong ekkewe community members** non ekkewe sokopaten an. Re mwochen ekkewe chon finata repwe pwan angang won nefiner kewe me ekkewe community members non ekkewe sokopaten neni.

Ekkewe metoch aramas rese tipew won

Chomwong aramas ir mi fosun ekkoch ekiek ekkoch rese pwan nomw ekkena sokkun ekiek rer. Fan na iwe ina met sa tichikietiw ekkoch ekkei ekiek:

- **Aramas rese tipew ngeni pwungun konik.**
 - Ekkoch aramas re kan ekieki nge kich mi need sipwe ekieki ekkewe **ekkesiwin won pwungun konik** angang ren faniten ikenai me ekkan ran mwaach. Ekkoch aramas re pwan ekieki nge **pwungun konik mi pwisin or iwe sipwe afona**.
 - Ekkoch aramas ir mi support ekkei ekiek ren ach sipwe anomwu ekkei pwungun konik me tongeni fori ekkoch anen ach sipwe tongeni aea konik.
- Aramas rese tipew won **ifa usun an epwe fis ewe pwungun finata ren konik**.

- Met ewe mi euche ngeni aramas ren konik iwe mi watte ewe sokofesen. Ren ekkoch, an aramas need ewe konik iwe ina met epwe akomw. Ren ekkoch, an nature epwe need ewe konik iwe ina fen euche ren ikkenai me ekkan ran mwaach.
- Aramas rese pwan tipew won **ion epwe wisen fini ifa usun ewe balance ren ekkei sokopaten need**. Ekkoch re mwochen state epwe pwisin fini. Ekkoch re mwochen repwe kuna ewe local government me emon me emon aramas repwe pwisin finata. Iwe ekkoch aramas re mwochen kuna me ruu ewe state me ewe local government ar repwe finata.

FUTURE ENGAGEMENT

Follow Up ren ewe Akkot

Iwe ewe state epwe sopweno me angang won an epwe update ei Akkot non ei fall. Aramas ina repwe pwan mwochen kuna ar kewe input ren ifa usun ar ra aea. Sa mwochen recommend OWRD me ekkewe ekkoch state agencies ar repwe pwan wau ewe draft update ngeni ewe Akkot. Sa pwan mwochen repwe awewei non ar porous ika pwata ra finata ar repwe fori ekkei ekkesiwin. Chomwong aramas ir mi chok kaeo porousan ei Akkot me peirakin kewe. Ami oupwe follow up ren ekkewe aninis ina met epwe tongeni or ewe nukunuk ren ekkewe communities.

Invite ekkewe aramas ar repwe pwan wau met ewe ra ekieki ren peirakin ei Akkot.

Mwirin an Oregon awesi ewe next version ren ewe Akkot, ekkewe 14 state agencies repwe fori ewe pwungun finata ren fororun me ekkewe projects non ewe Akkot. Ei nge epwe pwan or ew fansoun ekkewe state agencies repwe invite ekkewe community members ar repwe pwan fiti an Oregon ewe akkoten konik. Ren awewe chok, chomwong aramas ir mi ekieki eochun konik. Ir mi pwan mwochen sinei porousen pollution me konik mi contaminated. Oregon's Department of Environmental Quality (DEQ) repwe wisen fori ewe pwungun finata won eochun konik. DEQ repwe invite aramas ar repwe wau met ekkewe ra ekieki ren an epwe eochuno konik. Ekkewe aramas ir mi pwapwaiti ar repwe fori ewe pwungun finata ren konik me ekkewe development non ar kewe communities. Oregon's Department

of Land Conservation ir mi tongeni repwe pwan invite ekkewe aramas ren ar repwe fosun ekkewe osukosuk me pwan ekkewe activities repwe tongeni fori fengeni non ekkan ran mwaach.

KOSOPWONON

Oregonians ra ekieki konik non sokopaten an:

- Ren emon me emon me non imwer;
- Ekkewe kukun groups;
- Ren ekkewe communities re ekieki, nomw fengen, me angang fengen;
- Ren pwan nonomwun natural world;
- Ren ewe watten formal organizations mi watte pochokun; me
- Ren ekkewe communities ir mi angang non ekkewe neni, ren aramas, me ekkewe industries.

Nge met sa rong iwe ekkewe community members ra pwisin mwochen fori met ekkewe wiser me repwe angang fengen.

Ekkewe state agencies ir mi tongeni repwe aea ei input ar repwe ekieki met ewe aramas ir mi eucheani ren konik. Ir mi pwan tongeni repwe nengeni ekkewe ekiek ren ar repwe update ewe Akkot. Iwe ir mi tongeni repwe aea ren ar repwe aporous won met ekkewe re ekieki ren konik.

